

懷歸吟

丙戌重陽
雲靜題于星洲



題詞

敬題懷歸吟即用原韻

黃孟圭

我亦飄零久，憶歸家山烽燧夢仍飛。自宜灑製
刊青簡，莫禁餘噫繫赭衣。余出獄剛四月，疊韻
共驚雕句巧，耽吟應覺賞音稀。南溟酬唱存詩
史，辛苦燈窓願不違。

乙酉仲冬

奉題懷歸吟

李鐵民

破碎河山未羨歸，雞林健筆看雙飛。源探沈謝
驪馴手，論極縱橫蟲蝨衣。文采風流誰更最，陽
春白雪古還稀。讀來雅句堪相慰，淨掃攬轡願
不違。

三十四年十二月步韻星洲

又

張銘慈

世界大千何處歸，騷人鵬化更鵬飛。武陵贈答
詩描畫李杜唱酬香滿衣。誰和陽春白雪曲，獨
彈流水高山稀。謝郎才調沈郎筆，兩晉遺風願

不遠。

丙戌立春

前晤念西上人，予詢以八閩多名勝，如福州鼓山之巍峩，武夷幔亭之奇偉，廈門南普陀之幽美，泉州開元寺之莊嚴，洛陽橋之鉅工，龍溪萬松關之雄壯，豈有騷人隱藏於其間乎？上人曰：有謝君雲聲者，頗以詩蜚聲鷺江，已數年矣。

昔偕達夫郁教授造訪敬廬，敬廬者黃孟圭先生講學處也。偶見壁間有謝君詩，謝君為黃氏高足，達夫兄指示余，稱其詩清雅，非過譽也。

落華生與余夙有同牕之誼，當其逝世也，四方友好多以詩文寄余表哀，予亦因此得謝君二絕，編入追悼集中，不時吟誦之，藉以懷念故人也。

今歲春，因林子志高乃得識謝君于敝院，恨相見之晚。君有暇必過予，論道共商，組吟社，吾更知君不特能詩，且工書畫金石也。

日昨君袖其與沈逸翁所著懷歸吟見示，乃彼
此當亂離時唱和之作，反復讀之，殊增感慨！竊以
蘇李贈答，漢書生色，而落月屋梁，形諸夢寐，故曠
代詞人，後先嬈美，豈能讓前賢獨步乎！囑為之序，
敬獻一律，希郵政焉！

中華民國建國三十五年元宵節張銘慈識于星
洲中國語文學院

序

南荒淪陷，殺戮如麻，騷客文人，更為注目。處此危
時，唯有寒蟬長嘯，應蟲無聲，而其苦痛之情，則有
非筆墨所能形容者矣。然而一腔鬱憤，曾不因箝
口結舌而稍末減，孤樓短檠，良辰小集，仍一寄之
於詩，藉以宣洩其心中之所憤鬱。此予與淞陽沈
翁逸史，匝月唱酬，而有懷歸吟之集也。初則嚴鐫
篋衍，不敢輕以示人，今者正義伸張，殘暴銜璧，則
吾兩人之詩，似可就正于友好，他日或留為文壇
佳話，亦未可知耳。於其殺青也，爰書數言以為序。
中華民國三十四年十一月望日閩南謝雲聲于
新嘉坡小於葉樓



自題懷歸吟倒疊原韻

謝雲聲



經旬疊韻約無違，叔裏如斯唱和稀。
並擬風流追白社，自慚家世屬烏衣。
寫來憤事呼天問，吟到酣時擲筆飛。
可抵一編詩史看，他年留伴短帆歸。

懷歸吟

閩南謝雲聲



沈翁逸史寄示元日詩次韻報之

纔聽臘鼓送年歸，開歲哦詩逸興飛。
物象回春隨變錦，生涯瘦我不勝衣。
再來劫患知難免，未老風流感漸稀。
心事邇來無一可，剡溪訪戴亦相違。

疊前韻寄逸翁

更新歲序輒思歸，桔鳳知難奮翮飛。
千劫十年磨有淚，兩家八口賦無衣。
尚留微命觀時變，偶落南荒感遇稀。
惠句晨來尋盥誦，蠅聲無奈與心違。

再疊韻約逸翁元旦小集

未聞杜宇叫催歸，坐使韶華逝似飛。
居險翻思

尋故里，世紛終覺歎新衣。渾忘賭句詩才薄，每為傷時鬢髮稀。約飲屠蘇元日酒，可能不爽慰睽違。

三疊韻寄逸翁

雁陣橫空長嘯歸，人間雞犬已魂飛。未能憤裏鞭征馬，豈合年殘問副衣。查龍圖嘗與程宿留旅舍，盜取其衣呼宿曰：衣有副乎？當奉假盜聞之棄去。予近患小竊，政引及之。心事萬千似潮湧，吟情一二任星稀。但教勝日快來過，柏酒相傾解念違。

四疊韻，畚逸翁

歲頭臘尾未遑歸，連日翻聞警柝飛。離散十年還歷劫，艱辛一飯況言衣。誰教多難驚心慣，自覺荒居得信稀。我欲送窮擬韓子，側身四望感垂違。

五疊韻答逸翁

驚人寒夢不成歸，四野風雲慘淡飛。苟活應差增

馬齒團圓寧免泣牛衣。絕憐滄海橫流亟，尚想神
山遠渡稀。經歲家鄉消息斷，遙知兒女盼頻違。

六疊韻寄逸翁

姑待昇平始賦歸，無多骨肉苦分飛。亂中得句堪
珍帚，島上何岡可振衣。略具家肴妻坐對，難晴天
氣客來稀。埋憂要醉他鄉酒，酒入愁腸百事違。

訪逸翁不遇七疊均却寄

一會緣慳冒雨歸，南轅北轍各閒飛。何心遣興歌
金縷，著意和章盼綠衣。酒值牢愁傾不已，花隨戰
伐數仍稀。生涯輸汝獨居樂，揮洒優々我願違。

八疊韻答逸翁

偶謫炎荒底日歸，々心直比箭狂飛。亂離我亦哀
黃鳥，富貴誰甘著錦衣。春釀雖醇約略盡，故人差
健未全稀。推敲文字相從處，寄語休將此地違。

九疊韵寄逸翁

桃源無路不須歸，坐待猶如退鷁飛。
多謝錦箋溫舊夢，生憎絲雨濕輕衣。
豪情莫為迴車減，聞沈京梧死耗翁必大慟。
傲骨終教送暖稀，偏作千秋佳話想。
一酬一唱豈堪違。

自題懷歸吟倒疊前韻

沈逸史

園城歲月豈全違，門韻聯吟樂未稀。共織天
孫七襄錦，倍裁玉女五銖衣。撫今感昔情何
已，吐氣揚眉興始飛。寫待攬槍淨掃日，一編
奇句壓裝歸。

懷歸吟

淞陽沈逸史拙翁

雲翁報予元日之作依韻却寄

底事東皇緩夕歸，陰霾朔氣徹天飛。
目空衆態懸紅友，心澹平生羞錦衣。
風雨滿樓蕉葉碎，雷霆撼樹鳥巢稀。
羣山排列明窗外，靜對渾忘壯志違。

疊前韻畲雲翁

排雲劃電浩然歸，可笑長空雀效飛。
似記侈言鳩入室，忍看蔽體葉為衣。
賞音盛世原非易，樂道危時恐更稀。
匝月芳徽咫尺隔，一尊何日話睽違。

再疊韻答雲翁

尊酒艱難等憶歸，酒魂寂寞興空飛。
萊蕪尚未

魚生釜，子路何妨組襦衣。門韻輸君神益王，撫碑
笑我貌依稀。前牋似有言陳訴，莫令吟懷勝日違。

喜雲翁顧談別後三疊前韻却寄

蹙音亦擬至如歸，殘照烏鴉背負飛。我正偃僂熬
薄粥，君能危坐爽輕衣。結交似在形骸外，却步翻
成賞析稀。一語洪樓生意轉，更新未遣酒魂違。

雲翁詩示失竊四疊前韻慰之

青陽君報已遄歸，消息傳來眉欲飛。人具此心謀
度歲，彼何例外歎無衣。蔗甘可信來程迯，荼苦當
隨去日稀。長物區區那足恋，壯心珍重莫相違。

紀夢五疊韻柬雲翁

昨夜鄉園化蝶歸，歡欣恍若朝霞飛。佐餐為剪新
春韭，飾體猶珍舊日衣。話到餘生熱淚涌，訪從隔
舍故交稀。雛孫訝客來何哭，門隙偷窺却遠違。

一爐兄為予謀酒兩尊六疊前韻賦謝並寄

雲翁

炊桂烹珠酷熟歸，高樓輒看片雲飛。
迎新正苦無佳醞，念舊偏勞屈白衣。
大助吟情三日健，亦驅羈思一時稀。
感君師弟雷陳誼，世路雖艱未忍違。

宵深獨酌七疊前韻寄雲翁同作

老白樓頭清話歸，長庚光燄欲騰飛。
宵深腹餒茅充飯，籟靜肌寒酒作衣。
困蠖漸欣雷啟蛰，病鴻殊感藥靈稀。
友人京橋病肺興樓殆，無生望從知慮絕。
心常樂，玄理蒙莊肯暫違。

甲申除日承一爐兄惠雞因遂酌隣之約八

疊前韻賦謝

急景凋年々又歸，點猿瓜代錦雞飛。
故人逆稔無

兼味，雙翼親貽快振衣。炊黍邀隣完宿諾，傾尊論
世感君稀。危枰細算餘殘子，莫歎前程百事違。

書二月廿四日所見九疊前韻柬雲翁

負糧玄燕掠空歸，不盡低徊故夕飛。甚處可尋舊
日壘對坪略似主人衣。街衢竄逐聲慘，何煙燄翻騰
天亦稀。見說祖龍威太逞，胸蟠翠竹莫依違。

跋

依人張翰秋憶蓴鱸秉節蘇鄉冬吞梅雪興言及
此撫心盡然此予與謝君雲聲各有懷歸吟之作
也時當青陽迴旆歲葉肇端縱哀角頻吹吟魂與
危濤共盪而春鶯偶轉好音和淑氣徐來即景聯
吟撫時門韻張平子之四愁庶幾近之賈長沙之
三策未敢擬焉他日一帆斜掛三徑鋤荒對月重
哦當窗痛飲迴思既往式瞻前程則茲編也不僅
留雪中鴻爪之因緣抑亦為生入玉關之左券云
尔是為跋

乙酉元宵節淞陽沈逸史